

Sekretáriu Estadu Konseihu Ministrus i Porta-Vóz ofisiál Governu Timór-Leste, Ágio Pereira

11 Janeiru 2010
Dili, Timór-Leste



Governu Timór-Leste lansa Estrutura Akadémika Nasionál foun ida

Segunda-Feira, 11 Janeiru, 2010, marka inísiu estrutura akadémika nasional foun ida ba sistema edukasaun Timór-Leste nian. Semana ida ne'e labarik sira hotu iha Timór tomak laran sei hahú tama fali eskola, enkuantu reformas Governu nian komesa hadi'a no loke daudauk dalan ba implementasaun sistema edukasaun universál, ne'ebé garante ensinu obrigatóriu no gratuitu, durante tinan sia, ba labarik Timór-Leste hotu-hotu ne'ebé ho idade eskolár.

Atu oferese servisu ne'ebé di'ak liu, mak halo ona mapeamentu eskola nian ida ke abranjente ka boot tebes, nia rezultadu mak restruturasaun ba sistema eskola hodi aumenta efisiéncias iha jestaun ka administrasaun. Ministériu Edukasaun hili superintendentes na'in 13 (ida ba kada Distritu), inspetores eskolares na'in 65 (ida ba kada Sub-Distritu) ho misaun atu garante implementasaun no adezaun ba boa jestaun.

Anu letivu, ne'ebé ba primeira-vez hahú iha Janeiru, koinside ka monu hanesan ho kalendáriu no anu fiskál. Reformas ba kalendáriu akadémiku presiza tebes atu bele halo planu orsamentál ida ke di'ak liu no mós maksimiza benefisus jeográfikus no kulturais ne'ebé iha alianças estratéjikas ho rejiaun Ázia-Pasífiku i ho países ne'ebé ko'alia lian Portugêz.

Estrutura foun ba tempu eskola, hamutuk loron 223, fahe ba períodu eskola tolu. Primeiru períodu hahú husi 11 Janeiru bá to'o 8 Abril, segundu husi 9 Maiu to'o 29 Julhu i terseiru husi 23 Agostu to'o 18 Novembru.

Sistema Ensinu superiór organiza tuir sistema tradisionál tuir semestre (fulan 6); ho períodu finál fulan tolu nian, uza lori halo atividades extra-kurrikulares ka akadémikus seluseluk, ne'ebé bele inklui halo investigasaun ka atividades sosiais no komunitárias tuir buat ne'ebé instituisoens akadémikas ezije.

Durante tempu ne'ebé la eskola, profesores iha Timór-Leste tomak sei kontinua simu formasaun espesilizada no intensiva, tuir Sistema Formasaun ba Baxarelatus. Objetivu mak atu hadi'a kualifikasoens akadémikas profesores sira nian, tanba barak mak seidauk iha kualifikasoens atu hanorin antes-de 2007. Iha 2008 profesores na'in 3,000 mak tuir formasaun intensivu no aumenta ba 9,000 iha tinan 2009; profesores 617 remata ona sira nia programa lisensiatura, i na'in 36 mak oras ne'e tuir hela programa pós-graduasaun.

Dezde 2007 fahe ona mezas 19,370, kadeiras 14,360, armáriu 600, kuadrus didi-lolon 250, bankus 2,500, mezas besi 16,000 no livrus 813,613 ba eskolas primárias, sekundárias no téknikas hamutuk 1,356, iha Timór-Leste tomak.

Estimasaun estatística Ministériu Edukasaun nian hatudu katak oras ne'e iha ona estudantes na'in **214,745** iha eskolas primárias (112,795 mane, 101,950 feto), na'in **52,604** iha siklu (26,715 mane, 25,889 feto), na'in **26,908** iha ensinu sekundáriu: (13,892 mane, 13,016 feto) no estudantes na'in **16,727** iha ensinu superiór (10, 033 mane, 6,696 feto).

Kriasaun no adopsaun **Lei Orgânica Min. Edukasaun nian** (Janeiru 2008), **Política Kona-ba Edukasaun** (Marsu 2008) no **Lei Baze ba Edukasaun** (Outubru 2009) ne'ebé Governu mak estabese, bele kria quadru legál ida ne'ebé presiza tebes duni, atu

K
O
M
U
N
I
K
A
D
U
B
A
I
M
P
R
E
N
S
A

implementa sistema ensinu/edukasaan foun.

Sekretáriu Estadu Ágio Pereira dehan “ Harí Nasaun depende ba edukasaan; meta Governu Xanana Gusmão nian mak oinsá bele hakotu tiha siklu negligênsia ka ladún fó atensaun ba sistema edukasaan, buat ida ke la’o hamutuk ho esforsu atu hakotu siklu pobreza.

‘Ita hasoru dezafius barak atu harí sistema foun ida; hanorin profesores sira, aumenta número ensinu superiór nian, implementa eskolaridade obrigatória no mós sistematikamente harí aliseres/bazes no kapasidade sistema edukasaan ida ke di’ak bazeia ba padroens globais hodi nune’e jersaun ida-ida, agora no aban-bain rua nian, bele hetan oportunidade atu sai matenek no alfabetizadus.” **FIN**

Atu hetan tan informasaun favór kontakta:

Gabinete Ministériu Edukasaan

Email: gab.min.educ@gmail.com

Tel: +670 333 9645 Ext. 110/113

Ágio Pereira

Email: agiopereira@cdm.gov.tl

Tel: +670 723 0011